

Weh Wi Ga Fi Seh

Memba seh harikayn
seezn stil deh ya!

Pray fu Pees eena di Werl

Soh mox waar di brok owt aal oava di plays: Izhrel/Gaaza da wan a di laytis. Pahn tap, stil di bobl ahn bail da Rosha/Yookrayn ahn eena Yemen. Ahn noh figet weh di goh aan da Hayti ahn wid wi brejren ahn sischren eena sohn a di konchri dehn pahn di Afrikan kantinent. Kloasa tu hoam, wi ga wi oan schreet waar dehn da Bileez. Tudeh, wi di pray fu pees eena di werl. Tudeh, dis Kriol aatiki di bayg yu, neks taihn yu di pray, memba fi:

Pray fu pees eena wi hoam.

Pray fu pees eena wi yaad.

Pray fu pees eena wi schreet.

Pray fu pees eena wi kamyoonti.

Pray fu pees eena wi vilij.

Pray fu pees eena wi dischrik.

Pray fu pees eena wi konchri.

Pray fu pees eena wi werl.

Pahn tap, memba seh:

Yu ku lisen tu di *Nyoo Testament* eena Kriol fu free pahn di **Bible.Is** websait ahn reed it tu fu free eena Kriol:

<https://www.bible.com/versions/409-BZJ-di-nyoo-testiment-eena-bileez-kriol>

Pahn tap, **NOW eena 2023**, yu ku dongload di **APP** tu, ahn put di APP pahn yu foan er laptap! Jos googl: Belize Kriol Bible. Di link fi di App wahn kohn op.

Silvaana Udz, Ed.D. da fahn Bileez. If yu waahn tel shee bowt sohnting speshal fu put eena dis Kriol aatiki, eemayl: sudz142@gmail.com **Vizit: www.nationalkriolcouncil.org**